

# معنى رائع أول مرة تسمعه \_ خلاصة درس ) اقنع نفسك بالالتزام (

## \_ م علاء حامد

علاء حامد

المجاهدة دي يا اخواننا فعلا هي لوحدها امر عظيم. يعني انا بجاهد نفسي عشان اعمل عمل. سيبك من العمل نفسه. المجاهدة في حد ذاتها بالنسبة لربنا هي في ذاتها عمل عظيم. هات لي دليل دليل حديس مش مشهور. لكن حديس عظيم جدا انا ما قرأت الا - [00:00:00](#)

تلدت به. وهذا الحديث عند احمد وابن حبان. حديث عقبة بن عامر. قال النبي صلى الله عليه وسلم الرجل من امتي. اسمع بقى الرجل من امتي يقوم من الليل. يقوم من الليل يعالج نفسه الى الطهور. يعالج نفسه يعني يجاهد نفسه عشان - [00:00:26](#) تاني يوم يتوضا مش قادر يقوم فقام ها يلا نتوضا قال وعليه عقد. كل واحدة تقول له نام نام قال فاذا توضا ووضا يديه انحلت عقدة واذا وضأ وجهه انحلت عقدة. واذا مسح رأسه انحلت عقدة. واذا وضأ رجله انحلت عقدة - [00:00:46](#) فيقول الله عز وجل من وراء الحجاب انظروا الى عبدي هذا يعالج نفسه ويسألني ما سأني عبدي فهو له ما سأني عبدي فهو له. انا بتعجب جدا من الحديس ده. ليه؟ لان الراجل ده لسه ما صلاح. يعني هو اصلا نايم يعمل ايه - [00:01:08](#) هو قايم يصلي هو لسة ما صلاح. هو ربنا دلوقتي طالع عليه وهو بيقاوم في مرحلة الايه في مرحلة الوضوء وهو تعبان وهو بيتوضى لسة ما صلاح. يعني ممكن ما يصلح في الاخر. بس هو هو حاول وبيبذل - [00:01:31](#) مجهود كبير قوي عشان يتوضأ بالليل وهو قايم نفسه يرجع السرير. ربنا اطلع عليه وهو بجاهد نفسه. فباهى به الملائكة انظروا لعبدي هذا انظروا لعبدي هذا يعالج نفسه. بص تعبان ازاي! بص بجاهد نفسه ازاي! بص بيعمل ايه عشاني! ويسألني - [00:01:48](#) كل ما يقول قال ما سأني عبدي فهو له. قبل ما يصلي. خلاص انا رضيت عنه بسبب اللقطة ديت ذلك الانسان بقى لما يتخيل الحديس ده يقعد كده يتصور ان المشهد ده ممكن بيتكرر في حاجات تانية. الطالب لما بيبقى في الكلية قدامه البنات اللي لابسة مقطع واللي لابسة ضيق - [00:02:08](#)

بين ذراعاتها وبين رجليها وهو يا عيني نفسه يبص نفسه يموت ويبص عليها. لكن يتحمل ويجاهد نفسه وتعبان يحط عينه في الارض ويعني يتمنى يرفع عينيه ويبص. لكن يقول لا لا لا لله. انا بعمل كده لله. وبيتدي ويغض بصره ويقعد طول اليوم ماسك نفسه. ونفس - [00:02:27](#)

تقاومه وتنازعه ما هي لسه ما بقتش مطمئنة هي لسه بتقاوم ولسه بتقول له بص وهو يقول لها لا مش هنبص ويظل يقاوم طول اليوم مش متخيل كده ان ربنا بيطلع عليك مسلا في الحالة دي. يمكن رضى عنك اليوم دوت. يمكن اللحزة دي كنت انت بتذكر في السماء وبيباهى بك الملائكة وانت لا تشعر - [00:02:47](#) وانت لا تدري اللي بيقاوم شهوة النوم وقام بالليل او قام يصلي الفجر او قام يدعي ربنا ويستغفر في السحر وهو بتعبه مش قادر ودخل الحمام واتوضى وقاعد مش قادر - [00:03:06](#)

قبل ما يدعي ربنا كان راضي عنه كان قبله وكان خلاص خالص كل حاجة قبل ما يبدأ وانت بتفتح في النت كده وصفحة اليوتيوب جابتها فيلم كده اباحي طلع لك مرة واحدة. واحدة عريانة وواحدة مش عارف ايه. نفسك تضغط ممكن تضغط ممكن تبص ما فيش -

[00:03:21](#)

حد موجود. رحت انت قاومت نفسك وانت عايز تبص وقفلت الصفحة ديت واستغفرت ربنا انك بصيت بس على الايه او نفسك روضتك للحالة ديت وانت بتلبسي وتفتحي الدولاب وبتتفرجي على هدومك. شايفة هدوم كتير فيها هدوم قديمة وهدوم جديدة من الوضع الجديد. شايفة هدوم غالية - [00:03:41](#)

اوي من الهدوم القديمة بتقولي لا ده ياه ده كان غالي وقيم جدا نفسي البسه بس خلاص مينفعش البسه ديق وده لقي بنطلون خلاص هيهات مش ممكن ارجع للبنطلون ده تاني. وده لا ده ملفت جدا. خلي كل الناس يتفرجوا علي. خلاص انتهت علاقتي بك. وهي انا - [00:04:01](#)

نفسها تلبسه. شيك جدا. جميل جدا. يا دفعت فلوس وما لبستوش كتير. ثابت بعد ما جابت كل الهدوم دي بفترة قصيرة. وبتقاوم وهي بتفتح الدولاب اتفرج على الهدوم دي ونفسها متحسرة نفسها تلبسها لكن هيهات مش هلبس الهدوم تاني. تقف قدام المراية نفسها تبقى زي البنات وتبقى تبين حته كده - [00:04:21](#)

لو تمشي تتمنظر وهي بتتأكد ان الحته دي واسعة والحته دي مش باينة وتضيق في حجابها وتقف على نفسها حبان مش حلوة مش مهم مش هبان اصلا منقبة مش مهم - [00:04:41](#)

المهم ربنا يرضى. مش مش بتستمتعي كده وانت متخيلة ان ربنا بيطلع عليك في اللحزة دي. وقبل ما تنزلي من البيت اصلا كان رضي خلاص كمباهة الملائكة المجاهدة المجاهدة هذا العمل العظيم انظروا الى عبدي انظروا الى امتي عايزك تحس كده بهذا النداء - [00:04:54](#)

بيتقال اسمك في الملاء الاعلى لذك قاوم قومي جاهد تأكد دايمًا ان ربنا يراك وهذا وهذا يكفيك - [00:05:16](#)